

P. Pitomias

Knijgedicht.


Nürnberg, 1542.

JL
6155

00104

N 5 511 No 911

N: 276



Ein Leychpredig/
zu trost allen de-
nen/ die da ein ewigs leben
in Christo Jesu hoffen.

PSAL. XC.

Herr lere vns bedenccken/ das wir ster-
ben müssen/ auff dz wir klug werden.

Durch Petrum Pitonium Pfar-
herrn zu Windßheim.


1542.

Münchberg.



Ein Buchdruck
zu trost allen
den die da ein wenig leben
in Christo sein sollen

P. B. A. L. X. C.
Das ist ein bedenkliches
Buch zum Nutzen der
Christen



L 2, 2359



Ein Leychpredig / zu trost allen denen / die
da ein ewigs lebē in Christo Jesu hof
fen. Durch Petrum Pitonium /
Pfarherr zu Wundzheira.



In aller liebsten / Die weyl wir
yetzt im werck der Christlichen begreb-
nus vnsers lieben bruders N. versamlet
sein / welchen der allmechtige gütige Gott / aus di-
sem elenden leben / zu seinen gnaden / durch den leib-
lichen todt gefodert hat / vnd billich ist / das auch
wir vnser sterblich leben offst vnd fleissig betrach-
ten / vnd aber doch dasselbig fruchtbarlich mit be-
dencken mügen / es sey dan das wir zuuor wissen /
was vns die heilige Göttliche Schrift / darvon le-
ret / So wollen wir yetzt für vns nemen / den 90.
Psalmen / welchen der heylig man Gottes Moses /
auff clag vnd gebet weis / von der armseligkeit des
menschlichen lebens auff erden / vnd vom entlichen
erschrockenlichen sterben / gestelt hat / der laut von
wort zu wort / also :

Herr Gott du bist vnser zuflucht für
vnd für.

Ehe dan die berge wurden / vnd die erde

a ij vnd

Vnd die welt geschaffen wurde / bistu Got
von ewigkeit in ewigkeit .

Diser Psalmus gibet vns ein feine deutliche vn-
terrichtung / von aller armeligkeit vnd vnglück / die
auff den menschen fallē in disem leben / vñ sonderlich
von der kurzen zeit vnser lebens / vnd von dem er-
schrocklichen todt / welchem alle menschen / zeitlich
vnd ewig / mit verderbung des Leibs vnd der See-
len vnterworffen sein. Er zeyget vns an die vrsach /
von wanne der todt / sampt allen menschlichen ge-
brechen herkome / entlich leret vñ weiset er vns / wie
wir vom todt vnd allem elendt wider erledigt wer-
den / dis ist die summa ꝛc.

Das er nun im anfang spricht : Herr Gott du
bist ꝛc. Vnd ehe dan die berge ꝛc. Das ist ein feine
trostliche Vorrede / in welcher er sich tröstet / vnd
ein guts hertzlichs vertrauen daraus schepffet / er
werde nicht vmb sonst klagen / noch vergebens bit-
ten / dieweyl er weyß vnd gewiss ist / das Gott nit
gesinnet ist / wie etwa ein vngütiger mensch / der im
anderer leut leiden vnd gebrechen / nicht lezt zu her-
zen gehn / sonder für vnd für zu aller zeit / ein gewis-
se zuflucht ist / aller die zu ime ruffen / Darzu ein all-
mechtiger ewiger vnd starcker Gott / vor der welt
vnd aller Creatur erschaffung / derhalben nichts so
groß noch schwer sein kan / das er von vns nicht
köndt

Köndt wenden. Auff welche weis vns auch Chri-
stus vnser lieber Herre / ein feine Vorrede gestellet
hat / auff welche wir vnser gepet gründen sollen /
nemlich dise : Vatter vnser der du bist im hymel .
Das ist / Ich weis vnd glaub gewislich / das du
vnser gütiger vnd gnediger Vatter bist / der du mit
vns mitleyden tregst / vnd vnser elendt dir lassst
zu hertzen gehn / darzu im hymel allmechtiger Got /
derhalben mit nicht zweyfelt / weder an deinem guten
willen / noch an deinem vermügen ꝛc.

Volget die klage.

Der du die menschen sterben lessest / vñ
sprichst / Kompt wider menschen kinder.

Dañ tausent jar sein vor dir wie der
tag der gestern vergangen ist / vnd wie ein
nacht wache.

Du lessest sie dahin faren wie einen
strom / vnd sind wie ein schlaff / gleich wie
ein gras / das doch bald welck würdet.

Das da frue blüet / vnd bald welck wirt /
vnd des abents abgehawen wirt vnd ver-
dorret.

a iij

Das

Das ist so vil gesagt / herre lieber Got / wir klag-
gen ye freilich billich / die wir im leben nicht allein so
armselig sein / vñ ein so kurze zeit leben / sonder auch
im sterbē so yemerlich zerdenet / zermartert / inwen-
dig vñ außwēdig / so erschrockenlich geengstet wer-
den / Du lassst vns sterben / vñ erschaffest andere /
durch dein sprechen / dz ist / durch dein allmechtigs
wort / gleichsam sey dir an vns / gar nichts gelegen /
vñ die du wider heist kōmen / die müssen gleichwol
auch sterbē / wañ sie gleich tausent jar lebtē / welchs
doch keinem aus den eltisten vñ ersten vātern wiß-
faren ist / sie haben auch müssen sterbē. Tausent jar
ist bey dir wie der gesterig tag. Also schlecht vns d
Tyrañ der tod zu boden / vnd reisset vns von dan-
nen / wie ein gewaltiger strome wassers / dem nye-
mandt weren kan / vñ wirdt vnser leben / das doch
solt ewig sein wie ein nacht wache / die der andern
weichet / wie ein schlaff / der ehe verschwindet dan
man in fület / wie das gras das frūe blüet / vñ bald
verwelcket ꝛc.

Solchs alles würd ye lenger ye kleglicher / bey
denen / die die herlichen erschaffung vnd begabung
des menschen / wie sie im anfang gewesen ist / vnd
nun verloren ist / bedencken.

Volget die vrsach.

Das machet dein zorn / das wir so ver-
gehn

gehn / vnd dein grimme / das wir so bloß-
lich dahin müssen.

Dañ vnser missethat stellest du für dich /
vnser vnerkante sünde ins liecht vor dei-
nem angesicht.

Darumb faren alle vnser tag dahin
durch deinen zorn / wir bringen vnser jar
zu wie ein geschweß.

Vnser leben weret sibenzig jar / wans
hoch kompt / so sindts achzig jar / Vnd
wans kostlich gewesen ist / so ist's mühe
vnd arbeit gewesen / Deñ es feret schnell
dahin / als flügen wir dauon.

Die vrsach ist / spricht er / Dein grimme vñ zorn
vber vns / die vrsach aber deins zorns / ist vnser sün-
de / die wir von Adam geerbt haben / vnd die nun
in vns / wie in ime (Adam) würcklich vnd streflich
ist worden. Die welt weiß vnd erkent solchs nicht /
sie vergisset der sünde / als eines vnbeantenen gerin-
gen dings / thut kein buß. Du aber stellest die selben
ans liecht für dein angesicht / wie ein Dieb / des ste-
len lang heymlich vnd verborgen gewesen ist / offen-
lich für gericht gestellt / vnd dem Hencker zu würgen
vberant-

vberantwort wirdt / Wenn das nicht were / so het
freylich der todts kein krafft noch macht / weder vber
vnser Leib noch Seele / dan der todts ist vns nit an-
geschaffen / wie dem vnuernuftigen viehe / dan
zum lebē ist der mensch erschaffen. Gen. i. Dergley-
chen krankheit / armut / schmerzen / sorg / hunger /
durst / kelt ic. sein vns nit angeschaffen / Es kompt
aber alles her / aus Göttlichem zorn / vnd ist ein auf-
gelegte straffe vnserer sünde. Solchs soltē billich al-
le menschen wissen / vñ betrachten / daraus zu Got-
tes fürcht vñ demütigem gepet / vmb gnad bewegt
werden / aber es geschicht von wenigen / wie der
Prophet weyter klaget.

Wer glaubts aber dz du so ser zürnest?
vnd wer fürcht sich für solchem deinem
grimme?

Als wolt er sagen / fürwar wenig / wir gehn
den meysten theyl hin wie die Diebe / welche / ob sie
wol zusehen / wie erschrocklich die andern Dieb ge-
henckt werden / stossen sie sich dennoch nichts dar-
an. Also geht der meyste theyl der menschen dahin /
Etliche in wollust / weltlicher freude . Etliche in
geytz vnd sorg der narung . Etliche in wilder / fre-
cher sicherheit / ersoffen vnd verblent / das der we-
nigst theil glaubt / das Got so zürne vber die sünde.
Niemand

Nyemandt fürcht sich vor seinem grimme/ob wir
wol alle an dem todt den greulichsten Hencker se-
hen/wie er den menschen niderwürfft/vnd ime alle
glyder nacheinander bricht/das weder hende noch
fuß/weder augen noch ohren/weder munde noch
zungen/ir werck mer treiben können/vnd das noch
mer ist/Er nimpt hinweg alle weißheit/kunste/
verstandt/vernunfft/gedechtnus. Beraubt auch
den mensche aller freude vñ luste/die er gehabt hat/
vñ noch gern lenger habē wolt/als an weib/kind/
gut/ehren/guten freunden vnd geselschafften zc.
vnd das das aller erschrocklichst ist/er engstet das
hertz vnd gewissen/mit fürcht der ewigen verdam-
nus. In summa das aller greulichste bilde/das
gesehen mag werden/das macht der todt aus dem
menschen/Vnd wir gehn dannoch so sicher vñnd
frech dahin/geitzen vnd wuchern/krazen/schin-
den vnd kargen/als were kein anders leben zuhof-
fen/Wir fürchten Gott nicht/das wir vnser sün-
de erkennenet/vnd besserten vnser leben/vil weni-
niger bitten wir vmb gnade/dieweyl wir die sünd
nicht erkennen/noch der Göttlichen straffe achten.

Volget vom gebet.

Lere vns bedencken / das wir sterben
b müssen

müssen / auff das wir flug werden.

Herr fere dich doch wider zu vns / vnd
sey deinen knechten gnedig.

Fülle vns frue mit deiner gnade / so
wollen wir rhümen vnd frölich sein vn-
ser leben lang.

Erfreue vns wider / nach dem du vns
so lang plagest / nach dem wir so lang vn-
glück leiden.

Zeyge deinen knechten deine werck / vñ
deine ehre iren kindern.

Vnd der Herre vnser Gott / sey vns
freundtlich / vnd fordere das werck vnser
hende bey vns / ja das werck vnserer hen-
de wölt er fodern.

Bissher hat Moses / wie dan auch seyn eygen
ampt ist / den zorn Gottes / vñ die Göttliche
straffe vber die sünde heftig angezeyget / ob es vil-
leycht die Thoren vnd wilde Leut zu hertzen fassen /
vnd sich bessern / vñ zu Gott vmb genad rüffen
wolten / Die nun solche Predig nicht annemen / die
lasset

lasset er sitzen / vnd dem zorn Gottes befolhen sein /
er wendet sich aber mit seinem gepet zu Gott / vnd
leret vns / wie wir vns in betrachtung solcher vn-
ser not vnd armseligkeit gegen Gott halten sollen /
das wir nicht sollen verzweyffeln / dan wyewol
Gott vnser Herr / auffss hefftigest vber die sünde
zürnet / So ist dennoch bey ime barmhertzigkeit
zufinden / wie der heylig Prophet Abacuc cap. iij
Cum iratus fueris, misericordiae recordaberis &c.
Wo solchs nicht were / so wurd er im anfang nicht
gerühmt haben / das er seyner glaubigen zuflucht
für vnd für were. Er würd auch weder für sich
selbs / noch vnser halben / zu Gott vmb gnad ge-
ruffen haben. Diweyl aber die verheysung der
gnaden vnd barmhertzigkeit gewiß vnd ungezwei-
felt bey vns ist / So lasset vns mit ime vmb die
volgende nöttige stuck bitten / Herr lere vns beden-
cken das wir sterben müssen &c. Er spricht nit / Herr
ich bitt du wöllest mich nicht lassen sterben / er gi-
bet sich gedultig vnter die ruten des vatters / Son-
der das in Gott für frecheit vnd blinde sicherheyt
wöll behüten / damit er des sterbens vnd der kur-
zen tage nicht vergesse / dan solchs wissen vnd be-
trachten / helt er für die gröste weyßheit / Solchs
aber vergessen vn nicht achten / helt er für die gros-
seste thorheit. Darnach bittet er / diweyl vnser sün-
de sein gnedigs angesicht von vns abgewendet ha-
ben /

b ij ben /

ben/er wöll sich wider zu vns keren/vñ wölle vns
nit in einem stückle vnser missethat genedig sein/son
der mit gnad erfüllen/auff dz wir in allen anfechtun
gen bestehn mögen / vnd trosts vol auff aus seiner
erbarmung finden/ vnd das er dasselbig wöll frue
thon/das ist balde/wöll nicht warten / bis die ver
zweiflung vberhand neme. Erfreue vns wider /
dein zorn vnd straff hat vns erschreckt/so wöllen
wir dich rhümen vnd preysen/vñ vnser leben lang
frölich sein. Herre wiltu den frechen vngotzförcht
igen lewten nicht gnedig sein/ so erbarme dich doch
deiner knecht vnd irer kinder / die dich erkennen/
vnd deiner barmherzigkeit begeren. Wiltu ye die
andern nach deinem billichen vrtheyl erschrecken
vnd verwerffen / so erfreue doch dise. Wadurch
vnd wie werden wir in solcher todes not vñ angst
erfreudt? Durch verzeyhung vnser sünde/vnd ab
legung deines zorns/Wen wir solche gnad nicht al
lein predigen hören/sonder im gewissen fülen / vnd
gewis werden/der Göttlichen versönung/ welche
ist durch Christum/auff welchen hiemit auch Mo
ses sihet/vnd (wiewol verborgenlich) auff den sel
bigen weist.

Noch selet vns eins / dieweyl mir nun wissen /
das durch Christum seinen lieben Sun/ der zorn
Gottes gestilt/ vnd dem tode sein macht genomen
ist / das wir in genaden seligklich sterben werden/
Sollen

Sollen wir nun Gott auch fleißig für die vbrigen
tag vnfers lebens bitten/ das er vns wöll beystehn
vñ regiren/ damit wir vnser werck vnd ämpter in
Geistlichem vñ weltlichem Regiment/ nach seinem
willen/ vnd ime zu lob mügen volbringen/ dz Got-
tes wort rein werde geleret/ die ketzerischen Secten
zertrennet/ die jugent Christlich erzogen/ fride vnd
gut Regiment werde allenthalben auffgericht vnd
erhalten/ Dañ solche stück sein alle vns von nöten/
vnd werden auch von Got allein gegeben/ werden
aber gleichwol werck vnserer hende genent / das
Gott die selbigen durch vns treibt / vnd glücklich
oder vnglücklich machet. Dises alles wölle vns vn-
ser gnediger lieber Gott vñ Vatter geweren/ durch
Jesum Christum/ Amen.

b . iij

Getruckt zu Nürnberg
bey dem Petreio.

Faint, illegible text, likely bleed-through from the reverse side of the page. The text is arranged in approximately 15 horizontal lines.

iii

Faint, illegible text, possibly a title or section header, located in the lower middle portion of the page.






Fl 6155

(x2296253)

182





12.

Ein Leychpredig/
zu trost allen de-
nen/ die da ein ewigs leben
in Christo Jesu hoffen.

PSAL. XC.

Herr lere vns bedencken/ das wir ster-
ben müssen/ auff dz wir klug werden.

Durch Petrum Pitonium Pfar-
herrn zu Windßheim.

1542.
Humburg.

